

April 30, 2009

**MOOSHKAHANOK NIIKAANIIWIN AATACIKEWIN INASHOWEWIN
WAAPATAHIWAANIWAN IHIMAA MANITOBA ONASHOWEWINIK****Onaakonikewin Ta-nakinikaate Manitoba Mooshkahanok Niikaaniiwinik
Ashotamaakewin Anohkiiwinik Ci-okimaakatek Miikanaakewin Waapanok
Inehkekaam Winnipeg: Lemieux**

Okimaawinik Manitoba onacikaate onashowewin ihimaa ke-oci-maatanohkaatek Manitoba Mooshkahanok Niikaaniiwinik ci-maatanohkaatek miikanaakewin waapanok Inehkekaam Winnipeg, Manitoba maamawanohkiiwin ekwa Pimocikewin kaa-niikaaniitak Kihci-okimaa Ron Lemieux kii-wiitamaake nookom kaa-kiishikaak onashowewinik.

"Aasha mishiino-ahkiiwin, ikweniwak anishinaabek kaa-tawaac waapanok inehkekaam Winnipeg natotamaawak miikanaakewinan ci-inamokin tashiikewinan kaa-ishi-takwakin kaye ihimaa ci-oci-miinohsekin shooniyaawi-wiicihitosowinan," amihiwe kaa-ihkitoc Lemieux. "Ekwa tahsh ohowe miikanaakewin maawac iko mishtahi ta-wiicihiwemakan ci-wetakitekin kecoonan pimocikaatekin, ci-oci-minohsek shooniyaawi-wiicihitosowin ekwa kaye ci-oci-minohsek opimaacihitosowiniwaak ikweniwak kaa-otashiikewiniwaac pikwaciyahik."

Natotamaawin onashowewinik ci-nakinikaatek Manitoba Mooshkahanok Niikaaniiwinik (MFA's) ashotamaakewin anohkiiwinik ci-maatanohkaatek Waapanok Inehke Pimocikewin Maacicikewin. Maacicikewinik ashic ihiwe ta-maatanohkaate miikanaakewin 170 tatahso-tiphakaaneyaa ihimaa oci PR 304 kaa-oci-peshinaakwak Manigotaagan inikok Miskweyaap Anishinaabek ekwa shaapo inikok Berens Siipiik Anishinaabek. Amihiwe kaye ashic ta-naanaakatawencikaate pimocikewin kaa-wii-inanohkaatek ci-minohsek ihiwe kaa-ishkohsek ahki.

Amihiwe kaa-kii-ihkitoc Lemieux ohowe onashowewin ci-aacinikaatek Manitoba Mooshkahanok Niikaaniiwin ekwa ihiwe ci-ishi-aacinikaatek Manitoba Mooshkahanok Ekwa Waapanok Inehke Miikanaakewin Niikaaniiwin.

"Ohowe oshki-onashowewin kii-ishi-onacikaate miina kii-ishi-onencikaate waapanok inehke Anishinaabek kii-ishi-nahkomaawak ci-miciminikaatek aacimowin ihiwe kaa-kii-kiishicikaatekipan 2004 ahpii kaa-ishkwaa-ayamihitwaa Anishinaabek," kii-ihkito Eric Robinson kaa-okimaakatak Ishi-pimaatisiwin, Otakaanesiwin, papaami-ayaawin ekwa metawewin kaa-okimaawinotak . Amihiwe kaa-ishi-mihkikaatek naanaakatawencikewinik ihiwe miikanaakewin kinwesh ci-aapatak pimocikewinik ishihsewinan ihiwe miikanaakaan ekwa tahsh noonkom kaa-kiishikaak niwiitaamin kehcinaac ci-tawak ihiwe miikanaakaan ci-aapacihtoowaac ikweniwak kaa-mishiiniwaac awiyak ihimaa kaa-tawaac.

Manitoba Mooshkahanok Niikaaniiwin (MFA) opi-wiitanohkiimaan anishinaabewi-tashiikewin kehcinaac ci-tawinamawitwaa anohkiiwin kaye shoonyaawi-wiicihitisowin anishinaabek ci-anohkiihitwaa Mooshkahanok maatanohkiiwinik," kii-ihkito Ernie Gilroy, CEO ihimaa oci MFA. "Ohowe oshki-awecikewin ka-tawinamaakomin kiitwaam ci-mashkawikaapawitamakak ci-piminishihamak ohowe aasamiwin."

Amihiwe Lemieux kaa-ihkitoc maawac niikaan ci-kanawaapacikaatek kehcinaac Anishinaapek ihimaa kaa-taawaac miikanaakewinik ci-tawinamawitwaa anohkiiwin kaye shoonyaawi-wiicihitisowin ke-oci-pamihitisowaac otashiikewiniwaak.

"Anishinaabewi-tashiikewinanik kewiinawaa owiicitoonaawaa ohowe kaa-anohkaatek ekwa tahsh amii piko hi kiitwaam ke-ishi-maamawanohkiiyak kehcinaac ci-minohsek ohowe miikanaakewin ihimaa waapanok inehke" kii-ihkito Lemieux.

Amihiwe Lemieux kaa-ihkitoc ihiwe ci-onacikaatek ahkiiwi-ishiheswin masinahikanens ke-oci-anohkaatek miikanaakewin, naakacicikewin, Waapanok Inehke Miikanaakewin Niikaaniiwin, aasha kii-kwayaatahcikaate. January 30, ahkiinaak ishihsewin mooshkinepiihikewin ta-maatanohkaate ihiwe ahkiiwi-masinahikanens kaa-kii-onacikaatekipan Manitoba Ahkiiwi-okimaawinik. Mekwaac kahkina ahkiinaak ishihsewinan e-kwayakonikaatekin, ta-maatanohkaate miikanaakewin ani-pipook 2010, mekwaac ihiwe waweshicikaatek Waapanoomin Siipi Miikana miina kotakiyan anohkiiwinan kaa-anohkaatekin ohowe mekwaac.

Kiishpin kiyaapic wii-nanaatawi-kihkentaman ihiwe Waapanok Inehke Pimooocikewin Maacicikewin takwan ciwaapacikaatek ohomaa: www.eastsideauthority.mb.ca

East Side Transportation Study Area



